

gipuzkoa  
Avda. Madrid, 5  
20011 Donostia  
tlf. 943 45 93 75 fax. 943 45 07 58  
e-mail: gipuzkoa@elkarri.org

navarra  
Tudela, 18 - 2.G  
31003 Pamplona-Iruña  
tlf. 948 24 84 00 fax. 948 24 92 88  
e-mail: nafarroa@elkarri.org

bizkaia  
Arenal, 5. SVRNE - 209. bulegoa  
48005 Bilbao  
tlf. 94 479 03 16 fax. 94 415 80 03  
e-mail: bizkaia@elkarri.org

araba  
Arana, 7 - 7. bulegoa  
01002 Vitoria-Gasteiz  
tlf. 945 25 61 76 fax. 945 28 00 97  
e-mail: araba@elkarri.org

## Elkarriren VII. Batzar Nagusiaren amaiera-ekitaldia

### **Elkarrik 2004ko hauteskunde ondoen garatuko den Bake Konferentzia berri bat prestatzea erabaki du**

Proiektua bultzatzearen erabakia, Elkarriren sare sozialeko 10.000tik gora lagunek hurrengo hilabeteetan egingo den kontsultari baietza ematearen menpe egongo da

#### Erabaki nagusiak

Elkarriren VII. Batzar Nagusiak 2003-2005erako esku-hartze proiektua onartu du. Erabakien artean hiru azpimarratu behar dira:

##### **1. Bake Konferentzia**

Elkarrik 2004-2005 eperako Bake Konferentziaren III. Topaketa prestatzen ari da. Hurrengo urteko martxoko Hauteskunde Orokorren ondoen garatuko da eta nazioarteko laguntza garrantzitsua izango du.

##### **2. Kontsulta**

Orain eta urria bitartean, Elkarriren parte-hartze sare sozialari kontsulta bat egingo zaio Bake Konferentziaren ekimenaren inguruan. Proiektu hau martxan jartzeko erabakia, sare horretako 10.000tik gora lagunek proiektu hau babesteko prest dauden ala ez galderari baiezkua ematearen menpe egongo da.

##### **3. Baldintza egokiak erraztu**

2003-2004 epean eta prestaketa gisa, Elkarrik elkarrizketaren eta bake-prozesu erabakitzaile baterako baldintza egokiak sustatzera bideratuko du bere jarduerara, sei helburu zehatzen arabera: su-etena, legalizazioa, alde zuzeneko adostasunak, gizartearen inplikazioa, kanpoko laguntza eta humanizazioa.

#### Batzar-prozesuaren datuak

•Elkarriren VII. Batzar Nagusia abenduaren 21ean hasi zen Bilboko Euskalduna Jauregian, gizarte mugimendu honen X. Urteurrenaren ospakizunarekin bat eginez, eta gaur amaitu da, martxoaren 1ean, Donostian, Ibaetako Kanpuseko Magisteritza Fakultatean.

•«Zubi berri bat eraiki» txostenaren inguruan jorratu da eztabaida. Bi dokumentuz osatuta egon da: 2000-2002 epearen jardueraren balantzea eta 2003-2005erako Jarduera-plana. Oinarritzko txostenak 101 zuzenketa jaso ditu, Tailer Lokalek mintegietan eta topaketetan eztabaidatu dituztenak. Azkenik, denera, 37 onartu dira.

•Bi hilabete hauetan zehar, halaber, Elkarriren Tailer Nazionalaren 21 karguak berritzeko prozesua gauzatu da. Aukeratutako kideak, gaurtik hasi eta hurrengo Batzar Nagusia bitartean, gizarte mugimendu honen ordezkari gisa arituko dira, bere koordinazio-organo nagusian.

gipuzkoa  
Avda. Madrid, 5  
20011 Donostia  
tlf. 943 45 93 75 fax. 943 45 07 58  
e-mail: gipuzkoa@elkarri.org

navarroa  
Tudela, 18 - 2.G  
31003 Pamplona-Iruña  
tlf. 948 24 84 00 fax. 948 24 92 88  
e-mail: nafarroa@elkarri.org

bizkaia  
Arenal, 5. SVRNE - 209. bulegoa  
48005 Bilbao  
tlf. 94 479 03 16 fax. 94 415 80 03  
e-mail: bizkaia@elkarri.org

araba  
Arana, 7 - 7. bulegoa  
01002 Vitoria-Gasteiz  
tlf. 945 25 61 76 fax. 945 28 00 97  
e-mail: araba@elkarri.org

## «Egungo egoeraren blokeoaren aurrean, beharrezkoa da adostasunak bilatzeko behin eta berriro ekitea»

«Elkarrizketarik gabe konponbiderik ez dago. Bazterketa eta indarkeria ez dira alternatiba»

### Diagnostikoa

Egungo egoera bazterketaren eta eskaladaren logikaren menpe dago. Bizitzaren aurkako atentatuak, mehatxu sektarioa, ilegalizazioak eta egunkarien itxiera barne, dinamika honen adibiderik muturrenakoak dira. Bazterketaren eta eskaladaren logika zentzugabea da oinazea zabaltzeko eta areagotzeko, arazoak larriagotzeko eta konponbideak oztopatuz baina balio ez duelako. Gizarte gisa dugun beharrik nagusia premiazko erantzun eraikitzaile eta eraginkorra eskaintzea da, logika suntsitzaile honekin amaituko duena. Espiral honetatik ateratzeko alternatiba bat behar dugu: eskaladaren logika haustea eta «bestea» onartzea. «Besteak» gure gizartearen parte izan direla, direla eta izango direla onartzea, eta konponbidea elkarrekin aurkitu behar dugula onartzea. Logika honek eskatzen duena da indarkeriarik ezaren eta bazterketarik gabeko elkarrizketan behin eta berriro insistitzea.

### Erreferentzia-proposamena

Diagnostiko honen arabera Elkarriren VII. Batzar Nagusiak berriro saiatzea erabaki du. 1995eko I. Bake Konferentziaren eta 2001-2002ko bigarrenaren ondoren, esku-hartze proiektu honen erreferentzia-proposamena elkarrizketa alderdianitzerako eremu bat prestatzea da, Bake Konferentzia berri bat prestatzea, 2004ko hauteskunde orokorren ondoren garatzeko. Bi helburu ditu: konponbide elkarrizketatu baterako baldintzak sortzea, eta bake-prozesu erabakitzaile baterako printzipioen, prozeduren eta konpromisoen inguruan akordio sozial eta politikoa lortzea.

### Argudio nagusiak

Erabaki hau hartzeko argudio nagusiak bi dira:

—Egoerak bizi duen blokeoaren aurrean beharrezkoa da adostasun bila lanean jarraitzea. Ez dago konponbiderik indarkeriarekin. Ez dago konponbiderik elkarrizketarik gabe. Ez dago konponbiderik gizartearen zati bat bizikidetasunetik kanporatuz. Alternatiba indarkeriarik eta bazterketarik gabeko elkarrizketa da. Horregatik eta horretarako prestatuko dugu Bake Konferentzia.

—Aurreko Bake Konferentziak aurrerapen garrantzitsuak lortzea ahalbidetu zuen: nazioarteko babesa, gizartearen parte-hartzea, elkarrizketarako metodologia eta adostasun-zirriborroak. Halere, ez zuen lortu zirriborro horiek akordio esplizitu batean bilakatzea. Aurreko Bake Konferentzian lortutakoagatik eta lortu ez zenagatik, Elkarriren konpromisoa amaitu gabeko elkarrizketa hartan hasitako lana osatzea edo amaitzea da.

### Prozesuaren ezaugarriak

Bake Konferentzia prozesu berri honek aurreko esperientziak hartuko ditu oinarri gisa, eta lau proiektutan egituratuko da:

-Nazioarteko foroa. Bake Konferentzia honek Nazioarteko Kongresu batean islatuko den kanpoko laguntza garrantzitsua izango du.

-Foro politikoa. Prozesu honetan elkarrizketa politiko alderdianitza bultzatuko da bakerako printzipio, prozedura eta konpromisoen inguruko akordio bat lortzeko.

-Foro soziala. Elkarrizketa politikoarekin batera gizartearen aniztasuna ordezkatuko duten erreferenteen foro bat bultzatuko da adostasun-eszenategien inguruan akordio bat lortzeko.

-Hiritar foroa. Bake Konferentzia berri honetan zehar, Elkarri bakerako 100.000tik gora borondate mobilizatzeko helburua hartuko du bere gain.

gipuzkoa  
Avda. Madrid, 5  
20011 Donostia  
tlf. 943 45 93 75 fax. 943 45 07 58  
e-mail: gipuzkoa@elkarri.org

nafarroa  
Tudela, 18 - 2.G  
31003 Pamplona-Iruña  
tlf. 948 24 84 00 fax. 948 24 92 88  
e-mail: nafarroa@elkarri.org

bizkaia  
Arenal, 5. SVRNE - 209. bulegoa  
48005 Bilbao  
tlf. 94 479 03 16 fax. 94 415 80 03  
e-mail: bizkaia@elkarri.org

araba  
Arana, 7 - 7. bulegoa  
01002 Vitoria-Gasteiz  
tlf. 945 25 61 76 fax. 945 28 00 97  
e-mail: araba@elkarri.org

Bake Konferentziaren hirugarren topaketa honen beste ezaugarri azpimarragarri bat ekintzak antolatzerakoan bertako, Estatu mailako edo nazioarteko eragileekin lankidetzaz izango da.

#### **Nobedade nagusia**

Elkarriren saiakera berri honen nobedaderik nagusia azken erabakia gizartearen esku egongo dela da. Bake Konferentzia berri bat martxan jartzeko erabakia, Elkarriren parte-hartze sareko 10.000tik gora lagunek proiektu hau babesteko prest dauden ala ez galderari baiezkota ematearen menpe egongo da. Kontsulta hau parte-hartze txartel bat eramango duen foiletok bat zabalduz egingo da. Bake Konferentziaren prozesu bat bultzatzeak ahalegin handia eskatzen du eta, martxan jarri aurretik, ekimenak masa kritikoa eta kolaboratzaileen oinarri zabala edukitzea nahi du Elkarririk.

#### **Prestakuntza lanak**

Indarkeria, bazterketa, aldebakartasuna eta betoa dira blokeo-faktore larrienak eta bere ahulgune nagusia. Alderdi sendoena gizartearen gehiengoaren borondateetan aurkitzen da: indarkeriarik eza, elkarrizketa, pluralismoa eta berrespen demokratikoa. Analisi honen inguruan, 2003-2004 epean eta prestaketa gisa, Elkarririk elkarrizketaren eta bake-prozesu erabakitzaile baterako baldintza egokiak sustatzera bideratuko du bere jardura, sei helburu zehatzen arabera:

- Su-etena. Honako eszenategi baten alde borrokatu: su-etena, indarkeriarik eza, mehatxurik eza eta giza eskubideen errespetua.
- Legalizazioa. Askatasun demokratikoak eta aukera politiko guztien legalizazioa defendatu.
- Aldez aurreko adostasunak. Konponbide-prozesu baterako aldez aurreko adostasunak bilatzen aurrerapausoak eman.
- Gizartearen inplikazioa. Gizartearen inplikazio, parte-hartze eta mobilizazioa sendotu indarkeriarik ezaren eta elkarrizketaren alde.
- Kanpoko laguntza. Bake-prozesu bat babesteko kanpoko sare garrantzitsu bat osatu.
- Humanizazioa. Jarrerak, jokabideak eta diskurtsoak humanizatzeko ekimenak bultzatu.

#### **Motibazioak eta helburuak**

Elkarriren motibazioa, bere jardura osoari dagokionez, bi ideia hauetan laburbiltzen da: sufrimenduaren eta hau eragiten duen giza eskubideen aurkako indarkeriaren amaiera; eta sufrimendua pairatzen duten biktima guztiekiko elkartasun aktiboa. Elkarriren esistentziaren azken arrazoi eta helburua bikoitza da: bakea gure herriarentzat, eta bizikidetasun normalizatua askatasunean, berdintasunean, aniztasunean eta oinarrizko adostasunean. Elkarriren VII. Batzar Nagusiak 2003-2005erako onartutako esku-hartze proiektuaren helburu nagusia bake-prozesu erabakitzaile baten alternatiba prestatzea eta bultzatzea da, ahalik eta lankidetzarik zabalena eta anitzena bilatuz.

Donostia, 2003ko martxoaren 1a